



# Ordinaziun executorica tier igl Uorden disciplinar dil Consorzi da scola Sumvitg-Trun

## A. General

---

### Art. 1 Intent

Mintga surpassament dallas reglas da cumportament tenor igl Uorden disciplinar, capetel B pretenda in agir tenor capetel C dil medem uorden. Quest'ordinaziun reglescha l'implementaziun dil capetel C.

### Art. 2 Vigur

Quest'ordinaziun vala per tut las scolaras ed ils scolars dil Consorzi da scola Sumvitg-Trun. Las indicaziuns da persunas, da funcziuns e da professiuns che figureschan en quest'ordinaziun serefereschon ad omisduas schlatteinas, aschilunsch ch'il senn ei buc evidentamein in auter.

### Art. 3 Implementaziun

<sup>1</sup>En cass da surpassaments dallas reglas da cumportament tenor igl Uorden disciplinar capetel B han las persunas d'instrucziun, ils menader da scola ed il Cussegl da scola la pusseivladad da reagiar tenor capetel C dil Uorden disciplinar.

<sup>2</sup>Igl agir en connex cun part B, art. 8 dil Uorden disciplinar "Mieds nuscheivels" vegn reglaus en part B da quest'ordinaziun.

<sup>3</sup>En cass da surpassaments repetitivs sa il Cussegl da scola decider davart l'execuziun dalla scala disciplinara da quest'ordinaziun, part C.

## B. Proceder en connex cun mieds nuscheivels

---

<sup>1</sup>En connex cun l'implementaziun da part B, art. 8 dil Uorden disciplinar "Mieds nuscheivels" vala il suandont:

- Il temps liber dils scolars schai en la responsabladad dils geniturs.
- Las persunas d'instrucziun ein en emprema lingia responsablas per l'instrucziun, controlla sapientiva en connex cun mieds nuscheivels ei da principi buca necessaria.
- En cass da suspects duei vegnir encuretgi il discuors cun il scolar e/ni cul gremi da persunas d'instrucziun.
- Intervenziuns ambulontas en scola concernent mieds nuscheivels duein vegnir tralascadas.
- Als geniturs vegn recumandau da trer a nez ina cussegliaziun per damondas da drogas.

<sup>2</sup>En cass da consumaziun (incl. possess) da ni hanletg cun mieds nuscheivels duei vegnir agiu suenter il suandont raster:



Ordinaziun executiva tier igl Uorden disciplinar

| Cass             |                                  | Agir disciplinar         | Informaziun                                    | Responsabladad                                |
|------------------|----------------------------------|--------------------------|--|---|
| temps liber      | consumaziun da mieds nuscheivels | -                        | geniturs (sin basa voluntaria)                 | pdi che trapla                                |
|                  | hanletg cun mieds nuscheivels    | -                        | polizia, MS e Cds (sin basa voluntaria)        | pdi che trapla                                |
| temps da scola   | consumaziun da mieds nuscheivels | tenor Uorden disciplinar | geniturs e MS, en cass grevs ni repetitivs Cds | pdi da classa, en cass grevs ni repetitivs MS |
|                  | hanletg cun mieds nuscheivels    | tenor Uorden disciplinar | polizia, MS e Cds                              | MS  |
| cass da suspects | consumaziun da mieds nuscheivels | tenor Uorden disciplinar | geniturs e MS en cass grevs ni repetitivs Cds  | pdi da classa, en cass grevs ni repetitivs MS |
|                  | hanletg cun mieds nuscheivels    | tenor Uorden disciplinar | polizia, MS e Cds                              | MS  |

### C. Scala disciplinara

| Grad | Procedura administrativa   | Castitg disciplinar  | Responsabladad  | Remarcas                             |
|------|--|--|---|--------------------------------------|
| 1    | -notizia el Lehreroffice<br>-discuors da reflexiun cul scolar (evtl. mesiras individualas)<br>-discuors el team da PDI       | pensum da castitg durant 4 lecziuns supplementaras en scola  | PDI accusonta: notizia LO e castitg<br>PDI da classa: discuors da reflexiun | informar MS e geniturs               |
| 2    | -discuors cun geniturs<br>-definiziun da finamiras cun termin da controlla<br>-notizia el Lehreroffice ed admoniziun a scret | castitgs specials ed arrests tochen 3 mezs dis <sup>1</sup> (p. ex. sclauder d'occurrenz da scola) | menader da scola e PDI accusonta ni PDI da classa                           | informar Cussegl da scola e geniturs |

<sup>1</sup> Sut observaziun d'artechel 16 ed 17 digl Uorden disciplinar dil Consorzi da scola Sumvitg-Trun.



Ordinaziun executiva tier igl Uorden disciplinar

|   |  |  |   |                                      |
|---|--|--|---|--------------------------------------|
| 3 | -discuors cun geniturs<br>-definiziun da finamiras cun termin da controlla<br>-notizia el Lehreroffice ed admoniziun a scret                         | castitgs specials ed arrests tochen 3 mezs dis <sup>2</sup> (p. ex. sclauder d'occurrentas da scola) | menader da scola e PDI accusonta ni PDI da classa | informar Cussegl da scola e geniturs |
| 4 | -discuors cun geniturs<br>-definiziun da finamiras cun termin da controlla<br>-notizia el Lehreroffice ed admoniziun a scret                         | castitgs specials ed arrests tochen 3 mezs dis <sup>2</sup> (p. ex. sclauder d'occurrentas da scola) | menader da scola e PDI accusonta ni PDI da classa | informar Cussegl da scola e geniturs |
| 5 | -notizia el Lehreroffice ed admoniziun a scret<br>-contactar danovamein survetsch da cussegliazion (SPS, KJP, inspecturat) ed anflar mesira adeguata | castitgs specials ed arrests tochen 6 mezs dis <sup>2</sup> (p. ex. sclauder d'occurrentas da scola) | menader da scola (<3 mezs gis: decisiun cds)      | informar Cussegl da scola e geniturs |
| 6 | -notizia el Lehreroffice ed ultimatum a scret<br>-sclarir midada fundamentala dalla situaziun  | tenor cass : exclusiun da singulas lecziuns, midada da scola, time-out                               | menader da scola                                  | informar Cussegl da scola e geniturs |
| 7 | proceder d'exclusiun   | exclusiun dil scolar per max. 12 jamnas.   | Cussegl da scola                                  | contactar USS<br>informar geniturs   |

<sup>2</sup> Sut observaziun d'artechel 16 e 17 digl Uorden disciplinar dil Consorzi da scola Sumvitg-Trun.



## D. Disposiziuns finalas

---

### Art. 4 Definiziuns supplementaras

<sup>1</sup>El process dalla scala disciplinara reiva il scolar cun mintga surpassament in grad ensi e survegn ina notizia el «Lehreroffice».

<sup>2</sup>La decisiun per in alzament dil scalem schai da grad 1 tochen e cun grad 5 ella competenza dil meinascola. In alzament sin grad 6 e 7 schai en competenza dil Cussegl da scola.

<sup>3</sup>La PDI accusonta ei la persuna d'instrucziun tier la quala il scolar ha surpassau las reglas da cumportament, resp. la persuna d'instrucziun che trapla il scolar enten surpassar las reglas da cumportament.

<sup>4</sup>Grad disciplinar 5 ei era cuntenschius sche las finamiras da grad disciplinar 4 vegnan buca cuntenschidas.

<sup>5</sup>Ina persuna d'instrucziun ch'ei signada duas ga per la responsabladad d'alzament d'in grad disciplinar tier il medem scolar ei obligada da reflectar igl agen agir cun agid intern ni extern (p.ex. inspecturat) ed inoltrar al meinascola in rapport davart sias reflecziuns.

<sup>6</sup>Scolars che sesanflan alla fin digl onn da scola sin in grad dalla scala disciplinara restan era el niev onn da scola sil medem scalem dalla scala. Ina reducziun ei buca preveda e sa mo vegnir concedida dil Cussegl da scola en cass excepziunals.

<sup>7</sup>Las personas d'instrucziun han era lu il dretg da castigiar tenor lur cumpetenzas scolars, sche quels sesanflan el process dalla scala disciplinara.

### Art. 5 Entrada en vigur

Quest'ordinaziun executorica tier igl Uorden disciplinar dil Consorzi da scola Sumvitg-Trun ei vegnida approvada dil Cussegl da scola ils 28-5-2021 ed entra en vigur cun l'entschatta digl onn da scola 2021/22.

#### Cussegl da scola Consorzi da scola Sumvitg-Trun

La presidenta

Il vicepresidente

Erica Cavegn-Pfister

Baseli Tomaschett